



Sup. 59111/3



Digitized by the Internet Archive
in 2019 with funding from
Wellcome Library

<https://archive.org/details/b3054032x>

Q. F. F. Q. S.
DISSERTATIO ASTRONOMICO-PHYSICA,
DE
LUNA
NON
HABITABILI,

QUAM
Consensu. Ampliss. Facultat. Philosoph.
in Reg. Acad. Upsal.

PRAESIDE
VIRO AMPLISSIMO & CELEBERRIMO,
MAG. ANDREA
CELSIO,

Astronom. PROFESS. Reg. & Ord.
Nec non R. S. L. & S. SECR.

Publicæ bonorum disquisitioni modeste subjicit
STIPENDIARIUS REGIUS,

ERICUS ENGMAN,
UPPLANDIUS.

In Audit. Gust. Maj. ad d. 16. Decemb.
An. MDCCXL.

Horis ante meridiem solitis.

UPSALIAE impresa.

348 462

MAGNÆ IN S. R. M. FIDEI
VIR,
Nobilissime ac Consultissime
DOMINE,
DN. E R I C E
W E L S T A D I ,
LEGIFER Uplandiarum Æquissime,

MÆCENAS MAGNE.

Ne indigne feras, Vir Nobilissime, humillimus obtestor, quod in conspectum Tuum, non nisi levissimum offerens munusculum, progredi non dubitaverim. Ab hac audacia me quidem arcerent gravissima, quibus es districtus, negotia, nisi diuturna edoctus experientia probe scirem, nullo non tempore aditum ad Te Tuis omnibus patere. Evidentissima videlicet in me existere gratia Tuæ ac favoris indicia, quibus me saepius cumulare haud dignatus fuisti. Hinc præsentem arripui temeritatis occasionem, cuius

V I R
Summe Reverende & Cele-
berrime,
DOMINE
Doct. O L A V E
C E L S I,
S. S. Theolog. PROFESSOR Primarie , ARCHI-
PRÆPOSITE Ecclesiarumq; Upsalensium PASTOR,
Consistorii Eccl. & Acad. ADSESSOR, & Reg. Soc.
Lit. & Scient. VICARIE PRÆSES
Gravissime.
MÆCENAS OPTIME.

ב

יתן לשוני עט סופר מהיר ואמלא את חאות נפשי להניד את
שמחה הנורלה אשר שמחתי בעת זהה אשר הקורה יהוה לפני
לבוא להמלט ממשה נשוי אשר כבד עלי בכל הטונה אשר
אתה המורה והרועה הנורול כהר אלים והגדרת לעשות עטדי. כי הנה זכרתי
ימם מקדם אשר אתה איש אלים הנורא והמופלא השבעתני בטוב מדען
ובמתוך מצוחק והראיתני הדון אשר אלך בו ויעצחני עצה ישעתו ואמרת אליו
זה אורח חיים ואשרי הבחרים אשר רודפים אחרי חכמה ולא יסרו רגליים
משביל הזה אשר משכיל כל העובר בו מבלתיה גם הימין גם השמאל ממנו
ועתה גם כן עלה לזכרון לפני אין כבוד מעלהן עוזני ביום עני והיה
כמו מטה לבב וחדר של כנחרין הקדושה אליו לחברני עם הנערים אשר
אשר ללחם להם ומשען כל צרכיהם מכפף טלכנו החנון במאור מאור. אך מה
אומת

cujus mibi certissimam Indulgentia Tua pollicetur veniam. Accipias igitur serena, qua soles, fronte, submisso ore atque obtestor, tenuis basce atque impositas lucubrations Academicas, ex immaturo profetas ingenio, quas splendore Nominis Tui insignire & in venerabundæ gratissimæque mentis tessera, ob plurima in me collata benefacta, pia manu sacra ne & volui, & debui. Exile quidem est hoc munus, nec præ se quidquam fert eorum, quæ Viro eruditione multa per celebri aliquam sui commendationem adferre possent. At indubia mibi spes est, fore, ut dona clientis non ex ipsorum pretio, sed ex ingenua datoris pietate metiaris. Sic pronissimi in me affectus Tui memoriam, sancte & devote stipulor mibi fore perennem, nec passum me unquam, ut Tua de me merita illa deleantur oblivione. Interēa mei non immemor officii summum rerum omnium Moderatorem supplice voce rogabo, velit Te immense bonitatis suæ sinu fovere, largissima omnis felicitatis copia beare, Teque sospitem in Nestorem usque senectam in columemque præstare, ut amplissimo munere Tuo in iustitiae præsidium & exoptatam reipublicæ salutem quam diutissime perfungi, & Nobilissimæ Familiae Tuæ gloriam, ad eximum in Te evectam fastigium, seris Nepotibus tradere possis. Sic ad cineres usque vovere perget.

Nobiliss. & Consultiss. Nominis TUL

Cultor humillimus
ERICUS ENGMAN.

יאמר זמה ארבר ואיך אורה לך על כל הטוב אשר גמלחני כי עREL שפתים
אני וככלعني שפה מרבר ער היום הזה והנה גדולות חסדן נפלאה לי מספרנה
אנל בכל זאת לא אפשר לי מבלתי התראות לפני עם מתחב חזותי הזה
כלי יראתי מארשת שפטם של חכמי היהודים באמרם כל הטועם ואני מברך
נקרא גולן גם נפלת עלי פלצות על אמרת הדבר שאמורים בני עולם אשר
טעאו בוגר הראשון שאיש אשר לא מшиб גמול תורה למי שהפלת חסדו לו
משמעותו כבד הוא לארץ מנסה ווין ובין אמרתי בלבבי אלך להשחחות אל
היכל מעלהך כי מי ירע חחנני ויעלו אמריו פי מהללי שמן לך לרזון עלי
כן חדש גא את ביל בר רחמן הראשונים ער שלא תאבד וחכמים קותוי עוד
אל קשחה בעיניך להביט בסבר פנים יפוך אל הפלבול הזה אשר אני עבדך
מקירב היום אל דבר קדש להיו עד גאנט לפניך כי מוארך עלי השם
ונפלא בלי חקיך כבודך בעני עבדך כויהר הרקיע יוחדרם מעלהך כאמי
לבעון ואף על פי שמכתב הזה הוא כמו מחרבו להיו קטון יונדר יופי ומבל
חכמה כל בידן אם מצאת חן בעני הורך אל חנוה את בנחת עבדך לפי
שהיא מנחת דלי דלות זואל חשת בעברך עון כי לא גמנעת מהצעיך לפניך אם
החברו כזה הנמאס זהנקלה בצלם וכדמות אולתי והנה אתה חכם במלך עז
ולא חפץ כי אם ברברים אשר יעלן אל פרוגת החכמה העליונה אלא אין
ירצוני לחרין כזה כי ראי עתה לפנות אל הקרן ברוי שלא גמשליך עם
דבSELים אשר מרבים אמרותם לנגר החכמים עתה סוף דברי להשחחות לפני
הקר נכה לחת לך כל טובות והצלחות אשר תעלינה על לבנו של אדם ולבעון
ובתי שתכאנה לך ולכני ביחס בולן ולא חפרק טהון גם אחת אשר לא נפלת על
ראש בבודך ועל כל נפש משפחتك המהוללה ולקחת טן השם יתברך גמולך
על כל הטוב אשר עשית עמדי בה מעיתך וכח יוסף

עבר עברין המהאפק בעפר יטגן

ERICUS ENGMAN.

V I R O

Admodum Reverendo & Clarissimo,

Dn. JOHANNI HAMMARIN,
PASTORI in Öfwer- & YtterGran & adjacentis Distri-
ctus PRÆPOSITO Meritissimo,
PATRONO OPTIMO.

V I R O

Plurimum Reverendo & Clarissimo,

Dn. ANDREÆ WELSTADIO,
Ecclesiæ in Calmar Upl. PASTORI Dignissimo,
PATRONO ac NUTRITIO quavis animi
veneratione prosequendo.

V I R O

Plurimum Reverendo & Clarissimo,

Dn. JOHANNI MANIETTE,
PASTORI in Markim & Ørlesta
Meritissimo,
PATRONO perpetim colendo.

Quantum Vobis, Patroni, Fautores & Evergetæ
conferre dignati fueritis, nullo verborum adpan-
nerari valeo. Verum & illud non minimum fa-
observantissimam & obsequio plenam remunerationi cuivis
pagellas, quas, una cum voto felicitatis omnigenæ Vobis

Plur. Reverendorum & Clarissi-

Cultor
ERICUS

V I R O
Admodum Reverendo & Clarissimo;

Dn. ERICO NORRELIO,
PASTORI in Ferentuna & Hilleshög vicinique Contra-
ctus PRÆPOSITO Adcuratissimo,
PATRONO ob plurima beneficia & tatem suspiciendo.

V I R O

Plurimum Reverendo & Clarissimo;

Dn. NICOLAO FLODMAN,
PASTORI in Åkerby & Tomkisi
Vigilantissimo,
PATRONO EXOPTATISSIMO.

V I R O

Perquam Reverendo & Doctissimo,

Dn. OLAVO TIBELIO,
COMMINISTRO Ecclesiae Sigtunensis
Laudatissimo,
PATRUI loco colendo.

Indulgentissimi, debeam, quantaque in memet beneficio
tu exprimerem, nedum merita Vestra decenti modo remu-
voris Vesti documentum gratissimus agnosco, quod mentem
anteponatis. Benevole igitur accipiatis levissimas basce
reverenter admodum & officiose conseant


morum Nominum VESTRORUM

indefessus
ENGMAN.

Eruditissimo
AUCTORI,
Populari Amicissimo.

Endymiona ferunt Phoebi placuisse sotori,
Quaeque riget pernox, incaluisse Deam;
EJamque repente novis visam exardescere flammis,
Thessalicum usque adeo deperiisse virum,
Se terrae in campos ut ab aethere miserit alto,
Deliciis propior nempe futura suis,
Basiaque optato placide libarit amico,
Junxerit atque suis labra cupita labris,
Caussa sed incenso neque defuit omnis amoris:
Haut Phoeben unquam laeserat Endymion.
Quod vero ENGMANNO referunt, mirabile plus est,
Devinctam studiis talibus esse Deam.
Ille domos vacuas, & inhospita jugera priorsus,
Atque tuos steriles, Dalia, pingit agros.
Lunaremque negans habitari civibus orbem,
Quod dederunt alii, surripit omne decus.
Non istic hominumve genus, prolemve virorum
Colloeat, aut quidquid terra ministrat opum.
Et tamen hunc, almo qui se nudavit honore,
Diva sovet clemens, & sua damna probat.
Ipsa sibi arridet, cunctis viduata colonis,
Sedi terrigenum nec cupit esse parem.
Gaudet & hospitio non admisissile malignos,
Nec suā sacrilego limina tacta pede.
Haut illic pietas, candor, jus, fasque, fidesque
Vana sine emerito nomina honore jacent.
Haut ibi, quæ sumos divendere callet inanes,
Adsentatorum perfida turba viget.
Non est, qui tumido temerarius ore loquatur:
Lingua nec opprobriū litigiosa cier.
Nulla ibi monstra vides, hominum mentita figuram,
Nec nisi in infandos ingeniosa dolos.

J. J. A.



D. D.



Hysicam, cui cœlestis imponi solet nomen, variis esse involutam difficultatibus, nemo non novit; quippe ad cuius certitudinem non nisi per ratiocinia, multis ambagibus ab analogia naturæ & apparentiis deducta, pervenire licet. Qua tamen de causa disciplinam hanc debitum minime defraudandam esse laudibus judicarunt Philosophi & antiquiores & recentiores. Inter alia, quæ heic occurunt, notatu dignissima, vel primo ponenda est loco justa consideratio naturæ corporum istorum, quæ planetarum nomine insigniri solent. De his, an corpora sint recipiendis sustentandisque incolis apta, nec ne, contentio fuit inde ab antiquissimis temporibus Philosophos inter agitata. Ceteris, quippe quæ nostrum propositum minime tangunt, omissis, de Luna, omnium in systemate planetario nobis proxima, jam sententiam nostram exposituri, nullas quidem a nobis perspici rationes fatemur, quibus suffulti habitabilem illam tuto adseramus. Nos quidem haud fugit, Viros esse Celeberrimos & de orbe eruditio optime meritos, qui contrariam foventes opinionem, similitudinem Lunæ cum tellure nostra eo-usq;

A

exten-

extendunt, ut illam, non secus ac hanc esse habitabilem, statuere non dubitent. Verum, si auctoritatibus differendum, ad summos etiam provocare licet Philosophos, sententiæ nostræ patronos. Horum itaque vestigia seuti, in capite dissertationis nostræ priori natu-ram Lunæ rimabimur, eamque à proprietatibus, quæ telluri insunt, alienam esse ostendemus; unde Lunam ab incolis eadem, qua terricolæ, natura pollutibus ha-bitari posse, in capite posteriori negabimus. Quod dum agere nobis animus est, Te, Cand. & Benev. Lect. peroffciose rogamus, velis ea, quæ a nobis pro viribus & modulo ingenii dicta fuerint, æqui bonique con-fulere & in meliorem interpretari partem.

CAPUT PRIUS.

§. I.

Qui Lunam habitabilem esse contendunt, ad atmosphærā, qua circumcincta erit, quam ma-xime provocant. Per atmosphærā intelligunt Physici aërem, quo undiquaque circumdatur tellus, atq[ue] in quo nubes librant, pluviae aliaque meteora progenerantur. Multas observationes esse institutas, quæ hypothesin adversariorum stabilire videntur, negare non possumus. Anne vero illi, qui has observationes peregere, præ-judiciis fuerint occupati, vel an phænomena in lunari corpore occurrentia, unde illud, instar telluris, aëre circumfusum esse concludunt, alio modo explicari queant, digna res est, quam in seqq. examinemus.

§. II.

P. FEUILLEUS & DE LA HIRIUS stellam Aldebaranum a Luna occultandam lucidum Lunæ discum intrasse, & intra circumferentiam limbi lunaris evanuisse obser-varunt. Idem etiam expertus est Cel. PRÆSES, qui in præalto monte Pultingi A. o. 1736, d. 22 Julii, mane, ipso lucen-

lucente sole, *Palilicium* in limbo lucido Lunæ, per
duo vel tria secunda apparuisse, telescopio Gregoriano
unum pedem longo notavit. Immo Cl. DE L' ISLE
Venerem fere totam in disco apparente Lunæ A:O 1715
d. 28. Junii *Parisis* vidit. Ex hac apparentia college-
runt non pauci, lunam quodam diaphano velut aëre
ambiri. Sed experientia constat, omnia corpora lu-
minosa, etiam telescopiis visa, diametrum justo majo-
rem in retina repræsentare; adeo ut vera imago con-
fundatur cum alio lumine, quod vel *adscitum* a GA-
LILÆO, vel *adventitium* ab HORROXIO, vel *errati-
cum* a NEWTONO, vel denique *dissipatum* & *penumbra
annularis* a JURINO appellatur. PICARDUS enim i-
gnem tres pedes latum, ad distantiam 191382 pedum
telescopio tripedali 8" latum observavit, qui tamen
3". 14" latus apparere debuisset. Sic etiam diameter
Sirii 6" observata est, quum tamen revera sit insensibi-
lis. Unde merito concludimus Lunam, ceu corpus
luminosum, luce quoque hac erraticâ circumdari; &
quidem eo potiori jure, quod A:O 1684 in observa-
torio Parisiensi diameter Lunæ apparens paucis diebus
ante & post eclipsin Solis mensurata fuerit 31'. 30"; in
ipsa autem eclipsi non nisi 30', vel 30'. 5'. Quæ varia-
tio ex nulla alia ratione oriunda fuit, quam ex forti-
tudine lucis solaris, erraticam, quæ diametrum Lunæ
apparentem extra solem auget, lucem penitus extin-
gventis. Stella itaque non atmosphærâ Lunæ, sed
lumen ejus erraticum, quod cum ipso corpore lunari
visus noster confundit, ingreditur, & tandem a vero
limbo Lunæ penitus occultatur. Conf. NEWTONI
System. Mund. p. 18. SMITHII Compleat System of opticks.
*Art. 1088. & Remarks p. 126. Memoires de l' Acad. des sci-
ences A:O 1699.*

Argumentum pro atmosphæra lùnari stabilienda desumi quoque solet a coloribus, quibus pingitur planeta, dum a lunari corpore occultatur. Inter eos, qui hanc opinionem vehementissime tuentur, primus numerandus est LOUVILLE, qui una cum DE L' ISLE & CHARDELON eclipsin Veneris, interventu Lunæ factam, d. 28. Junii st. n. 1715. h. 1 $\frac{1}{2}$ a.m. Parisiis observavit. Ajunt hi, uti ex Commentariis ejusdem anni patet, observasse semet Planetam, quam diu a Luna remotior erat, lucidum adhuc & scintillantem; ad marginem autem Lunæ proprius accedentem subito variasse colorem suum, ita quidem, ut limbus planetæ, Lunæ proximus, ruber, aversus vero cæruleo colore tinctus appareret. Emergentis autem Veneris limbū, margini Lunæ vicinum, rubentem videbant; & qui in immersione ruber, jam cæruleo distinctus colore observatus est. Hæcce phænomena illis ansam præbuere conjectandi, Venerem in atmosphæra Lunæ has coloris mutationes subiisse. LOUVILLE, ut haec de certior evaderet, experimento hypothesin suam stabilire conatus est. Implebat aqua lagenam vitream globosæ figuræ, candela accensa, ut & charta adhibita, in qua foramen erat exiguum. Hisce jam ad certam distantiam positis, chartam, cui inerat foramen. Venerem repræsentans, & candelam, foramen illuminatum, huc illucque movens. observavit, limbum foraminis, lagenæ centrum spectantem, semper rubro, oppositam autem ejus marginem cæruleo colore pictam fuisse; & quidem ab utraque parte utris, adeo ut limbus foraminis in immersione rüber, in emersione cæruleus appareret. Unde omnem de existentia atmosphæræ lunaris scrupulum jure sibi exemptum existimavit. Sed sine experimento facile largimur, ex suppositione

atmosphæræ colores semper sequi; non vero vice
versa.

§. IV.

MALEZIEU, CASSINI & MARALDI eandem Veneris eclipsin observarunt, suo quisque telescopio, & nullam omnino mutationem Veneris, vel qua figuram, vel qua motum, vel qua colorem, viderunt, licet diligentissime animum ad rem hanc attenderint, eo fine, ut jūm, occasione sibi data, inveteratam illam, quæ Philosophos inter ab antiquissimis temporibus intercesserat, de atmosphæra Lunæ, litem, si fieri posset, finirent. Hæc deinde experientia in eclipsi Jovis & Satellitum a Luna, d. 25 Julii st. n. ejusdem anni, egregie confirmata est. Etenim omnes hi observatores, neque LOUVILLIO excepto, nullam coloris in Jove, ad Lunæ marginem accedente, mutationem perceperunt.

§. V.

Mutatio ergo coloris, quam planeta, a Luna occultans, ad marginem hujus sibit, Lunam atmosphæra esse circumvestitam, non demonstrat. Nam 1:o eadem caussa evanudem producit effectum. Aér itaque Lunam ambiens semper & omnibus observatoribus colores in planetis occultandis exhiberet. Sed repugnant observationes plurium Astronomorum, qui nullam mutationem coloris animadverterunt, (§. IV), de quorum fide ac diligentia, in observationibus adhibita, dubitare temerarium forret. 2:o Medium illud refringens non circa Lunam, sed in ipsa lente objectiva telescopii, ut monet DE LA HIRE, quærendum est. Margines enim lentis, ab ultraque parte convexæ, vel plano-convexæ, considerari possunt instar prismatis circularis, quod radios luminis refringere & colores eodem ordine, quo triangulare, distinguere valet. Facile itaque fieri potuit,

ut

ut Luna, cum eam in tubum immitteret LOUVILLIUS, ob magnitudinem suam centrum lentis occupaverit; quare planeta ad limbum positus per refractionem radiorum mutationem coloris subivit. 3:0 Idem phænomenon telescopio semper observare licet, si planeta, vel stella majoris magnitudinis, non directe versus centrum lentis, sed ad alterutram marginem collocetur. Vid. *L' histoire de l' Acad. Roj. des sciences, & memoires* A:o 1715.

§. VI.

In eclipsibus Solis totalibus Luna annulo lucido cincta conspicitur, ut in primis observationes d. 22. April. Anni 1715, in Anglia & Patria nostra habitæ, testantur. Quocirca notandum est, ex calculo LOUVILLII, apparentem Lunæ diametrum fuisse 33'. 28"; at solis tantummodo 31'. 54"; adeo ut limbus Solis circa Lunam perspici non potuerit, prout contigit in eclipsi Solis annulari, d. 18. Febr. An. 1737 Upsaliæ observata.

§. VII.

Qui Lunam atmosphæra esse circumdatam contendunt, hypothesin suam ab hoc phænomeno haud modicum roboris adsequi credunt. Verum enim vero ex opticis patet, radios luminis a rectâ via deflectere, cum ad extremam oram cujusque corporis opaci proprius accedunt. Hanc luminis proprietatem, quam inflexionem vocant, a reflexione & refractione diversam, experimentis stabilierunt GRIMALDI, NEWTONUS, DE L' ISLE & alii. Per foramen videlicet parvum in cameram obscuram immittatur radius luminis solis, cui globus plumbeus ita opponatur, ut totum ejus hemisphærium non illuminetur. Si umbra deinceps globi charta alba excipiatur, idem phænomenon apparabit, quo atmosphæram lunarem demonstrare conatus est

est LOUVILLE; nimirum umbra globi distincte terminata, ac circum illam annulus ejus coloris, quo gaudet alter ille circa Lunam in eclipsi Solis.

§. VIII.

Lucido igitur annulo, qui in totalibus solis eclipsibus spectatur, atmospharam lunarem non demonstrari, quam apertissime patet. Quid? quod Cl. LOUVILLIUM, tam hac de re, quam de mutatione coloris in eclipsi Veneris, de qua §. III. tandem convictum, sententiam suam revocasse narret DE L' ISLE in literis ad Celeberrimum, dum vixit, Mathes. ad hanc Academiam Professorem JOH. VALLERIUM Parisis d. 1. April. 1718 datis, quarum mihi copiam benignissime fecit Celeberr. PRÆSES. Sed fuisus haec omnia pertractata videbit curiosus Lector in dissertatione Academica de hoc ipso phænomeno nuper edita.

§. IX.

In centralibus Lunæ deliquiis non omnino obscuratur facies ejus, - quin subrufo colore appareat. Fuerunt itaque nonnulli, quibus ex hoc lumine subobscuro, lunam atmosphera esse circumcinctam, probare volupe fuit, ut GALILÆO, LICETO aliisque perplurimi, quorum nomina recenset RICCIOLUS. *Alm. Nov. Cap. 6. p. 202.* Quum autem Tellus nostra atmosphera cingatur, necessum est, ut radii solis aërem illuminantes versus umbram veram ipsius globi terrestris refringantur, & Lunam ibi versantem illustrando ad oculum deinde nostrum reflectantur. Inde etiam ratio redditur, cur Luna in perigæo obscurior, quam in apogæo appareat. Colorem vero illum subrufum, vel instar candardis carbonis rubicundum, Cl. SMITHIUS sic explicat: Experientia constat, ex aëre puro & limpidio radios cœruleos ceteris copiosius reflecti. Quare hi minus copiose inter ceteros radios ex sole provenientes

entes pér aërem transmittuntur, & quidem eō minus, quo longior aëris tractus sit peragrandus. Sic Sol & Luna in meridiano albidiōres apparent, horizonti vero magis vicini, & ideo majus aëris spatium pertransiūtes, primo flavum, deinde aureum & rubeum colorem induunt. Quanto itaque magis spatium illud transitu radiorum ad Lunam & rēdītu eorundem in Terrā prolongatur, tanto major radiorum cāruleorum, si ceteros respicias, fit jactura. Unde, secundum regulam à NEWTONO in Opticis datam, color inter obscuriōrem aureum & rubēum medius ex transmissis radiis oritur. Et sic sīne aëre lunari hoc quoque phænomenon potest intelligi. *Vid. SMITHII Opticks. Remarks Art. 378.*

§. X.

Ita rejectis rationibus, quibus nititur hypothesis eorum, qui atmosphāram Lunæ tribuunt, nostrarum esse partium ducimus indicare, quæ nobis sit ratio negandi, Lunam aëre aliquo esse circumfusam. Si Lunam atmosphāra circumdaret, illa ex nostra Terra videtur. Nec enim dubito, quin atmosphāra Telluris, a Sole illuminata, Selenitarum, si qui essent, oculis exponatur, quippe quæ tot tantaque phænomena producit. Sic sane atmosphāra Solis lumine Zodiacali nobis sese conspiciendam præbet. Nos quidem haud præterit, quosdam heic objicere, atmosphāram lunarem esse tam gracilem, materiamque, qua constet, esse adeo raram & pellucidam, ut non possit sensibiliter radios astrorum avertere, quæ à Luna interdum occultantur, atque eādeim ob caussam observari non posse mutationem aliquam planetæ marginem Lunæ tangentis. Sed si circa Lunam atmosphāra dabitur, ipso æthere aut densior erit, aut non. Si prius, corpus est, quod radios lūminis refringere & reflectere potest. Si posterius, sub atmosphāræ nomine venire nequit. Deinde

Deinde alia inter commoda, quæ Telluris atmosphæra nobis adfert, non ultimo ponendum est loco crepusculum, sive *lux illa dubia*, quæ ante ortum Solis & post ejusdem occasum, in regione horizonti vicina, conspicitur, & ex radiorum Solarium reflexione in atmosphæræ nostræ particulis oritur. Hoc quoque lumen in Luna videri posse, nemo inficias ire poterit. Nam si lumen Solis, quod à Tellure in Lunam reflectitur, in primis & ultimis quadraturis, iterum inde reflexum, Lunæ partem opacam nobis visibilem reddere potest, uti ex observationibus constat; multo adhuc evidentius videtur ex Luna crepusculum Telluris, quod lumen Lunæ reflexum in plenilunio longe superat. Unde concludo, si circa Lunam atmosphæra esset, crepusculum nobis in Luna videndum fore, quod tamen cum observationibus omnis ævi pugnat. AUZOUTUS, ut alios taceam, fatetur semet in parte opaca Lunæ, vi crepusculi, nunquam videre potuisse lucidissimam illam maculam, cui Aristarchi nomen a Selenographis imponitur, dum prope illuminatam corporis illius partem sita fuit. vid. *Transact. Philos.* N:o 7. pag. 120. Demum etiam hoc adferam, quod in Luna nulla observari queant meteora, de quibns plura in seqq. Atmosphæræ itaque lunaris existentiam argumentis minime firmis adstrui posse, quis est, qui non videt?

§. XI.

Remoto sic aëre lunari, liberior nobis ad ipsum corpus lunare pensandum patet transitus. Lunæ facies non ubique æqualiter lucida videtur; etenim in ipsa maculas obscuriores etiam oculi non armati detegere possunt. Partes hasce obscuriores, melioris notæ telescopio inspectas, cavernis seu cavitatibus innumерis, umbris intus cadentibus, constare observavit inter alios CHRISTIANUS HUGENIUS. Vid. Ejusdem

*Cosmoteores Lib. 2. pag. 97. KEILII Introd. ad ver. Astron.
Lect. 10. pag. 295. & HEVELII Selenogr. p. 134.*

§. XII.

Nigriores ergo in Luna maculae non sunt maria. Ex natura fluidi novimus, aquas, nulla externa vi cogente, æqualem & sphæricam reddere superficiem. Partes autem, quæ in Luna nigræ apparent, dum accuratioribus inspiciuntur instrumentis, multas habent cavitates & cavernas §. præc. Ergo obscuriores Lunæ maculae falso maria censentur.

§. XIII.

Qui Lunam ex eadem, qua Tellus, materia conflatam esse contendunt, maculas illas varias, quibus facies ejus tincta nobis apparet, pro sua quisque imaginatione, mirabiliter exponunt. Nam præter maria, in partibus non penitus obscuris, lacus, paludes, fluvios & alia id genus minora aquarum receptacula esse autumant. GASSENDUS in Phys. Sect. II. Lib. IV. cap. 3. pag. 663. dicit invenisse semet in parte Lunæ, quæ boream spectat, maculam quandam, quæ sit velut Chersonesus quædam prælonga, & non longe a mari dista. Sic & CASSINI, de quo FONTENELLE in Entretiens sur la pluralité des mondes pag. 42. in Lunæ facie quid deprehenderat, primò in duas quasi lineas divisum, deinde mox conjunctum, in puteum quasi manasse. Id ipsum vero flu-men fuisse FONTENELLIUS conjicit. Quid autem incertius? Numne aliis jure pari, parique certitudine loca hæc continuam seriem montium esse crederet, quam in orbe terraquo passim, v. g. per totam partem Sveciæ occidentalem, continuo dorso, se extenderet nostramque Patriam a Norvegia sejungere novimus.

§. XIV.

Densitas quoque, qua pollet Luna, non admittere videtur, ut in ea detur vel aqua, vel alia id genus materia rarer

rior & ledior. Nam secundum calculum NEWTONI in Princip. Lib. III. Propos. 37. Coroll. 3. densitas Lunæ eam rationem habet ad densitatem Telluris nostræ, ut 11 ad 9. Unde corpus lunare magis densum, magisque terrestre est, quam ipsa Tellus. Aquam autem novimus esse materiam rariorem & minus densam, quippe cuius gravitas est ad materiam lapideam mediæ gravitatis, ut 10 ad 25. Si in lunari corpore, cuius massa materiae est ad massam materiae Telluris, ut 1 ad 39, 788. tanta forent maria, quanta repræsentant maculæ illæ nigriores, quæ in facie ejus apparent per plurimæ, ac ceteræ lucidiores materia tali constarent, qualem terra hæc nostra præter aquas obtinet, densitas utique Lunæ æqualis esset, ne dicam minor ea, qua gaudet Tellus. Probabile igitur est, in Luna nullas esse aquas, neque aliud quidpiam rarius & levius.

§. XV.

Cum Luna tam aquis quam atmosphæra destituatur, sponte sua corruunt omnia illa, quæ existentiam eorum presupponunt, e. g. nubes, pluviae, nives, fulmina &c. Si nullæ pluviae, nulli quoque in Luna dantur fluvii, qui vaporibus, pluviis & nivibus suam debent originem. Certe si in Luna forent lacus & præcipue paludes, in quibus aquæ stagnantes putrescunt, astus ille in Luna maximus, qui ex die longissimo & dimidio nostri mensis lunaris æuali oritur, paludes exsiccando tantam exhalationum copiam excitaret, ut, præter nubes, fulmina quoque, globi igniti, dracones volantes &c. abunde progenerarentur. Sed nulla meteora, neque aquæ, neque ignita, in Luna unquam observata sunt. Fatetur HEVELIUS, Lunæ, si quisquam aliis, adcuratissimus spectator, in Luna nullas dari pluvias, sed perpetuam ibi vigere serenitatem. Vid. Selenogr. pag. 357. Qui consentit HUGENIUS in

Cosmoteor. p. 99. HEVELIUS quidem, non semel, sed iteratis vicibus, cœlo tamen undique sereno, observasse se dicit, Lunam ejusque maculas non omni tempore æque lucidas & perspicuas apparuisse. Et ne hanc differentiam aëri nostro tribuas, ex stellis sextæ magnitudinis clare splendentibus eandem cœli serenitatem fuisse contendit. *Vid. Cometogr.* p. 363. Verum ille puritatem aëris. judicandi modus, solo oculorum iudicio institutus, non adeo certus esse videtur, quo minus causa hujus phænomeni ex varia atmosphæræ nostræ constitutione verosimilius derivari possit. CAS-
SINUS in lunari eclipsi vidit umbram circa centrum Eu-
næ reliquo multo densiorem. *Vid. HAMEEIUS in Historia
Acad. Reg. Lib. III. Sect. II. cap. 2. pag. 248.* Et KEPEERUS.
Lib. de stella nova cap. 23. refert A.D. 1605. in totali Solis ei-
clipsi visam Lunam tanquam nigram nubem, Antuerpiæ au-
tem fuscam & quasi fuligine tectam, cum ejus circumferentia
superior esset tota candida & quasi ignea. *Vid. RICCIOLI.
Alm. Nov. Tom. I. Lib. IV. cap. 6. pag. 203.* Ex hisce a-
liisque observationibus concludunt Lunæ habitabilis pa-
tronii, in Luna pluere ac ningere, ipsamque interdum
nubibus obduci. Sed ex superioribus §§ variam hanc
Lunæ faciem radiis in atmosphera nostra refractis & re-
flexis deberi patet.

§. XVI.

Affirmat LOUVILLIUS sub eclipsi Solis totali An.
1715 quasdam fulminations seu vibrationes luminis
momentaneas in ipsa superficie Lunæ se deprehendisse.
Has vero sibi præcipue versus limbum orientalem, ubi
facta est immersio, vides, cum fulminibus in nostro
aëre accensis comparare non dubitat; & quidem eo
potiori jure, quo certius ipsi constet, Lunam esse ter-
ram maxime montosam, ubi in primis tonitrua & ful-
gura vigore solent. *Vid. Memoires dell' Acad. An. 1715. p.
126.*

126. & 127. Sed audiamus HALLEJUM, qui sub eadem totali obscuratione ipsum corpus lunare summa attentione observans, de coruscationibus hisce sic loquitur: *During the whole time of the total eclipse. I kept my telescope constantly fixt on the moon, in order to observe, what might occur in this uncommon appearance, and I saw perpetual Flashes or coruscations of light, Which seemed for a moment to dart out from behind the moon, now here, now there, on all sides, but more especially on the western side, a little before the emersion; And about two or three seconds before it, on the same western side, wher the Sun was just coming out, a long and very narrow Streak of a dusky, but strong red light, seemed to colour the dark edge of the moon, though nothing like it had been seen immediately after immersion.* Vid. Phil. Transact. N:o 343: Hinc satis apparet radios illos fulmineos non in ipsa superficie, sed pone corpus Lunæ ab omni parte emissos, circa marginem præcipue occidentalem, paulo ante emersionem apparuisse. Hæc quoque ex asse congruunt cum observatione Cel. VALLERII Upsaliæ eodem tempore habita, qui præter annulum solitum tales radiorum emissiones circa limbum Lunæ factas figura repræsentavit. Immo novissima observata circa eclipsin Solis totalem An. 1733: idem phænomenon confirmare videntur. Vid. Act. Lit: & Scient: Suec: An: 1735: p. 56 & 57: Ex hisce itaque merito concludimus, LOUVIELIUM coruscationes circa limbum Lunæ revera apparentes ad superficiem limbo proximam minus recte retulisse. Certe hi radii non in Luna generati, sed sive à sole sive ab ejus atmosphæra pone Lunam originem suamducere videntur; quippe qui circa illa limbi lunaris loca maxime emissi sunt, ubi vel limbus Solis noviter fuit extinctus, vel ubi margo ejusdem jamjam prorumperet. Luna sic fulminibus quoque privata, a veritate haud alieni essemus,

si nullum prorsus ignem in Luna existere diceremus. Profecto, si daretur, majoribus telescopiis, Luna vel in deliquio constituta, vel partem opacam nobis obvertente, videndus esset. Si itaque in Luna silvæ, si urbes, si aliæ res combustibiles, cur non, ut fieri apud nos solet, interdum incenduntur? Si montes nostris similes, cur non Vesuvii? Sed quomodo flamma sine aëre excitetur?

§. XVII.

Terram diversis anni temporibus colorem faciei suæ mutare ab experientia novimus, ita quidem ut colorem alium ostendat tempore aestivo, quo tota fere herbis, floribus & graminibus vestitur, longe vero alium tempestate hiberna, quæ nive glacieque tota obtegitur. In mari tam septentrionali quam australi sæpenumero quoque montes glaciales vastæ molis natare dicunt nautæ. Si in Luna igitur ejusmodi mutationes externæ ac vicissitudines anni locum haberent, a nobis utique cerni possent. Sed vero Lunam semper eandem atque immutabilem faciem nobis obvertere videsmus. Quare meteora illa, quæ in Luna produci statuunt nonnulli, meritis inniti conjecturis, neminem fugere potest,

§. XVIII.

Nec stabiliori superstruitur fundamento conjectura nonnullorum, qui in Luna crescere arbores, frutices, herbas, gramina aliaque id genus existimant. NIC. HARTSOEKERUS omnes omnino Lunæ maculas perennes pro silvis habendas esse sibi perswasit aliisque. Dioptr. cap. 10. memb. 6. Sed rationem, qua innititur, attendas, quæso, ingeniosam: puncta quedam, inquit, lucidiora hic illic in maculis conspicuntur, quæ loca sunt arboribus non obsita. Verum silvæ nostra in Tellure, sæpe qua figuram suam, mutantur, nec raro post seculorum aliquot aut

anno-

annorum decursum penitus delentur, idque varias obcausas casusve innumeros. Constat tamen maculas, quas pro silvis venditant, a plurimis retro seculis eadem figura eodemque in loco visas esse. Sic etiam, si illic herbæ & gramina vigerent, necessario pro diversis anni temporibus colorem faciei lunaris variarent §. XVII. Deinde probabiliter antea demonstravimus, in lunari corpore nec aquas reperiri, nec vapores ascendere, qui vel pluviae vel roris instar sese diffundentes terram lunarem irrigent. Ejusmodi autem terræ preventus non nisi, terra aquis humectata, progenerari, quis est, qui ignorat?

§. XIX.

De maculis quibusdam minimis & rotundis, quas alii pro urbibus Selenitarum habendas judicarunt, alii putatos esse duxerunt, quorum ope Lunicolæ se contra solarem astum defendant, nihil jam dicimus, cum nemo ferme sit, qui non videat, has esse conjecturas, omni rationis ponderé destitutas, ideoque operosa refutatione minime dignas.

§. XX.

Nec in Luna dari quidquam terrestris materiæ mollioris ex antecedentibus sequi videtur. Ab experientia enim novimus, terrarum species, quibus agri & prata præsertim constant, ejusmodi esse indolis ac naturæ, ut aquis humectatae lentescant & molliitem suam conservent, humore autem destitutæ & exsiccatæ per continuam Solis astuantis actionem aut penitus dilabantur aut indurescant. In Luna calore Solis per semimensem fervente, nullas dari aquas §. XII. & seqq. ostendimus. Quare nec terra mollis & separabilis ipsi competit.

§. XXI.

Itaque qua potissimum materia corpus lunare constet, haud immenito quæri potest. Eatemur quæstionem hanc

hanc esse maxime arduam tricisque variis involutam, de qua judicium suum suspendere, quam certi quid statuere, consultius duxere Physici. Facillimum enim summo rerum Conditori fuit, Lunam ex materia tali, qualem ne concipere nobis quidem datum sit, producere. Attamen iis, quæ jam a nobis dicta sunt, penitus consideratis, a veritate haud alienum videtur, materiam, ex qua constat Luna, durissimam seu lapideam esse. Et hac in opinione antiquiores quoque fuisse videntur, dum *Lunam saxeum esse corpus* existinarunt, ut de PYTHAGORA narrat THEODORETUS. Vid. RICCIOLI *Alm. Nov. Tom. I. Lib. IV. cap. 2. pag. 187.*

In globo autem Lunæ lapideo illæ partes apparent obscuriores, quæ vel pellucidæ, instar vitri & cristalli, lumen Solis introrsum penetrans absorbent, nec nisi refractione admixta modicam partem ejus reflectunt; vel opacæ & colore obscuro donatæ, instar marmoris nigri; vel denique, foraminibus & cavitatibus reflexionem interturbantibus, asperæ sunt. Illæ autem partes lucidiores, quæ vel opacæ & politæ, instar metalli, vel etiam opacæ & albicantes, instar marmoris candidi, radios abunde reflectunt; prout existimarunt PLUTARCHUS, GALILÆUS, KEPLERUS, GRIMALDI aliique. vid. RICCIOLI *Alm. Nov. T. 1. p. 207.*

CAPUT POSTERIUS.

S. XXII.

Lunam itaque, cuius naturam ac proprietates, leví penicillo adumbratas, huc usque vidimus, non habitabilem vocare non veremur amplius, quippe quæ omnibus attributis ac qualitatibus, quas animantium proprie dictorum existentia necessario presupponit, omnimode destituitur. Per Jō non habitabile enim heic

heic intelligimus inconvenientiam quandam plantas, animalia, homines aliaque id genus, nostra in Tellure obvia, fovendi sustentandi. Quod si in hac nostra Tellure regio quædam existere posset, iisdem cum Luna proprietatis prædita, illa non habitabilis foret. Quare adversus illos, qui Lunam ab incolis quidem, verum a natura & indole terrigenarum longe alienissimis, haberi volunt, nulla nobis lis est.

§. XXIII.

Habitabilem autem eo, quo §. præced. definivimus, modo non solum esse Lunam, sed & reapse habitari, Philosophorum ab antiquissimis inde seculis communis fuit opinio; quorum sane temeritatem satis mirari non possumus, quippe qui, instrumentis opticis adhuc carentes, certi quid in re tam incerta statuere non dubitarunt. Habitari, ait XENOPHANES, in Luna; eamq; esse terram multarum urbium & montium, assentit CICERO lib. 4. Acad. seqq. PYTHAGOREI, teste PLUTARCHO lib. 2. de placitis Philos. cap. 30 arbitrati sunt, terrem videri Lunam, quia sicut & nostra terra circumhabitat a majoribus quidem & pulchrioribus animalibus, quinque decies nostrorum quantitatem continentibus, neque ullum excrementum ejicientibus. Sic & in Opusc. de facie in orbe Lunæ: Lunam, ajunt, eorum, qui infra degunt, tanquam Tantalorum imminere capitibus, rursumque eos, qui ipsam incolunt, Ixionum instar alligatos, tanto impetu volvi & revolvi, ut mirum non sit, si impetu agitationis leo in Peloponnesum deciderit. Et MACROBIUS in Somn. Scip. Lib. 1. cap. 11. Ætheream terram Lunam, ejusque habitatores lunares populos appellat Quid? quod alii purgatorium quasi animarum, alii Campum Elysium & habitacula beatorum in Luna posuerint. Quemadmodum PLUTARCHUS in Lib. citato dicit, cavernas esse in Luna, &

cavernarum maximam vocari penetralia Hecates, ibique animas eorum, quæ vel egerunt vel passæ sunt, rationem reddere ac pœnas dare; & partes Lunæ cælo obversas appellari Campum Elysium. Plura de veterum fabulis vide apud OTTONEM DE GUERIKE. Experim. Nov. Lib. V. pag. 181. & RICCIOLUM in Alm. Nov. Tom. I. Lib. 4.

§. XXIV.

Neque recentiores inter Philosophos defuere illi, qui, etiamsi non omnes more antiquorum s. antec. recensitorum, Lunæ suos incolas assignare certo audeant, habitu tamen ad aptitudinem animalia sustentandi respectu, habitabilem saltim eam esse, h. e. inhabitari potuisse, si summo rerum Creatori ita visum fuerit, summopere contendunt. Quos inter primum locum tuentur CHRIST. WOLFIUS. *Elem. Astron.* §. 457. & seqq. PETR. GASSENDUS. *Phys. Sect. II.* Lib. I. pag. 528. & FONTENELLE. *Entretiens sur la pluralité des mondes* pag. 31. seqq. & alii deinde innumeri. Nobis autem Lunam nec habitabilem nec habitatam esse demonstraturis instituti nostri injungunt leges, ut primum adsumtas eorum rationes pro viribus refellamus, ac deinde argumenta, quibus sententia nostra nititur, proferamus.

§. XXV.

Primum argumentum, quo Selenitarum fautores suam fulciunt hypothesin, deducunt a convenientia illa ac similitudine, quam sibi Tellurem inter & Lunam intercedere imaginantur, nec in figura, utriusque solummodo, opacitate, motu planetario, sed & in ipsa materia, attributis, qualitatibus ac proprietatis videre sibi videntur; ita quidem, ut nihil in globo terraquo ad animalia sustentanda necessarium inviae-

veniatur, quo Luna, altera ipsis terra, careat. Hinc CHRIST. WOLFILIS in suis *Elementis Astron.* §. 488. Lunam corpus Telluri simillimum vocare non dubitat. Et in Scholio subsequente §. 489. concludit: *Cum in Tellure nostra rorem ac pluviam in terram decidere constet, ut plantæ vegetentur; plantæ cum arboribus crescant & semina atque fructus edant, ut animalia & homines nutriti queant; nihil profecto obstat, quo minus etiam in Luna plantas & arbores, animalia ac homines admittamus. Nihil frustra facit natura, sibi ubique similis: cur ergo frustra in Luna produixerit elementa ad vegetationem plantarum & arborum atque ad propagationem animalium & hominum necessaria? aut quem, queso, alium in finem?* Quam autem infirma sint hæc argumentandi principia, satis superque demonstratum ivimus capite dissertationis hujus priori.

§. XXVI.

Deinde pro Lunæ habitabilitate (verbo veniam precor) iidem objiciunt: DEum, cui sit omnium suorum actionum ratio sufficiens, vastissimum lunare corpus cum omni ornatu suo ac qualitaribus non frustra produxisse. Urgent hoc præ ceteris CHR. WOLFILIS in suis *Elem. Astr.* & FONTENELLIUS loc. cit. Verum consequentiam hujus argumenti non videmus: *Luna caret hominibus.* Ergo frustra creata est. Nonne ingentia commoda Telluri nostræ Luna confert indies? Quis illam frustra creatam dicere potest, quæ tot tantosque effectus in Tellurem nostram producit: quæ tenebras noctis dispellit: quæ mensium & festorum tempora distinguit: quæ denique naves, in vasto & procelloso oceano inter scopulos syrtesque errantes, in viam reducit? Quis denique mortaliū quidquam frustra creatum contendere audeat, dum omnes fines creatione a DEo intentos scrutari non liceat?

§. XXVII.

Tertium, quo nititur hypothesis adversariorum, argumentum tale est: Non modo rationi consentaneum est, Lunam habitari, verum etiam fidei, quæ hominum credulitati obnoxia non est. Fide nimis tenemus, DEum omnia condidisse ad manifestandum perfectiones suas, scientiam, sapientiam, potentiam, bonitatem. Cumque adeo terricole corpora Lunæ partialia distinet cognoscere nequeant, ne Deus Sapientissimus sine excidat, creature rationis capaces & corporibus instruet ut Lunam incolant, opus omnino censeri debet. Vid. WOLFI^L Elem. Astron. loc. cit. Si per incolas lunares Vir Celebris intelligit animalia, ut quidem videtur, hominibus similia, queritur merito, numne perfectiones Divinæ & que possint manifestari & cognosci à creaturis, quæ hominibus valde sint dissimiles, quasque ne quidem ulla imaginatione concipere nobis datum est? Quapropter, Lunam non tantum non habitatam, sed etiam non habitabilem statuendo, neutquam magis attenuamus omnipotentiam ac sapientiam Summi Numinis, quam ubi cum sanæ mentis quolibet negamus, homines in aquis vivere & pisces in aëre volitare. Sed omnipotentiam potius ac Sapientiam Divinam, quantum in nobis est, attollere nos existimamus, eam non ad unicam creandi rationem adstringentes.

§. XXVIII.

Novum denique prioribus argumentis suis pondus adjici putat CHR. WOLFIUS, loc. cit. quod tellus nostra sit e planetis una, & medio inter ipsos loco circa solem feratur, immo ex diversis planetis conspecta, nunc Luna: nunc Veneris, nunc Jovis, nunc Saturni, aut alterius cuiusdam stellæ præferat faciem. Verum comparationem Telluris cum Luna justo longius hic extendit Vir Celeberrimus. Rectius forte concludi videtur: Tellus & Luna sunt planetæ; ergo incolis gaudent; non vero;

ro: ergo hominibus incoluntur. Certe Tellus est planeta primarius, Luna vero secundarius. Forte primarii habitantur, non autem secundarii, quos ex cometis ad solem combustis oriri posse conjicit Celeb. D. MAUPERTUIS in *dissert. de fig. Astr.* Sic etiam HUGENIUS *Cosmoth.* lib. 1. pag. 16 & 17. ex dissecti canis visceribus infert, eum, qui nunquam animalis corpus apertum antea conspexisset, similem quandam fabricam aë partium varietatem in bove, porco ceterisque inesse bestiis, concludere statim posse. Sed rectius sic philosophatur: Si canis dissecetur in Europa, similis quoque fabrica & viscerum varietas deprehenderetur in cane in America dissecto. Quod vero ille, qui canem viderit aperatum, omnibus ceteris bestiis eandem esse præter propter corporum internam structuram concludere possit, non mirum est, cum omnia animalia quadrupedia simili fere gaudere externa corporis structura, eodem modo nutriti, vivere, spirare, animam habere sensitivam &c. satis videat. Quare si ex analogia existentia hominum lunarium evinceretur, sic ratiocinandum foret: In cane & pisce est similis fabrica & partium varietas. Quum vero naturæ repugnet, easdem competere proprietates animali terrestri ac aquatico; neque ejusdem generis incolæ Telluri & Lunæ, utpote natura diversis, tribuendæ sunt. Simili ratiocinio utitur FONTENELLE *loc. cit.* cum supponit, ci- dem quendam Parisinum, qui nunquam extra pomaria urbistius evagatus sit, verum ex aliqua civitatis ejus turre S. Dionysii Fanum prospexerit, hoc aequum ac ipsos Parisios haberi, ex similitudine physica concludere facile posse. Verum si Parisinus ille ex turre inspiceret fodinas illas & cavernas, extra civitatem sitas, unde lapides ædificis exstruendis idonei eruuntur, haud facile assereret, in illis puteis habitare homines, eosque lapidibus illis nutriti.

§. XXIX.

A similitudine, quæ res interest, Philosophi multas, immo plurimas veritates, & merito quidem, deducere solent. Quem philosophandi modum heic locum quoque habere, tantum abest, ut inficiemur, ut analogiam potius naturæ, ceu firmissimum principium Physices, amplectamur & adstruamus. Attamen ei, qui rem acutangere cupit, summo opere cavidum est, ne similitudinem in identitatem naturæ transmutando, nubem pro Junone adprehendat. Lunam incolis, & que ac Tellurem ceterosve Planetas, esse donatam, donari saltem potuisse, ultro concedere possumus; hos autem ejusdem esse indolis ac naturæ, eodemque modo ali ac sustentari, tam phænomenis, quam ipsi naturæ, varietatis amanti, repugnat.

§. XXX.

Luna igitur eum in modum, quo in cap. priore probabilius ostendimus, constituta, contradictionem utique involvit statuere, posse homines atque animalia ejus, qua terricola pollent, indolis & naturæ ibi vivere & nutriti. Nam i:o ex Anatomia novimus, sanguinem esse illud fluidum, quod per circulationem suam corpori vitam ac nutritionem communicat; adeoque, hoc absente, hominem vel animal vivere neutiquam posse. Sangvinis autem elementa chemica esse aquam, oleum, salem, terram & aërem, inter quæ tamen aquas maximam constituere partem, nimirum 6, adcurate ostendit Celeb. Med. Professor D:nus Doct. NIC. ROSE'N in Compendio suo Anatomico. Cap. 4. §. 31. pag. 24. seqq. In Luna autem nullas esse aquas §. XIV, nullum aërem §. X, nullam denique molliorem materiam §. XX evicimus. Necessario igitur sequitur, neque ipsam ab hominibus aliisque animalibus incoli posse, quæ sine materiis modo memoratis vitam sustinere nequeunt.

2:o Animalia terrestria in locis aëre vacuis vivere non posse, ab experientia novimus; Lunam vero nulla atmosphæra esse circumdatam ex cap. i:re constat. Ergo incolis, qui respiratione ad vitam sustentandam indigent, destituitur.

3:tio In Luna nulli vapores observari possunt, qui sive sub roris sive pluviae specie terram lunarem, si quæ esset, irrigent, unde herbæ, plantæ atq; arbores enascantur §. XVIII: neque annuam mutationem faciei, quam ejusmodi terræ proventus nostra in Tellure efficiunt, in lunari corpore observare licet §. XVII. Quem igitur, cui insanire volupe non fuerit, tantus operimat stupor, ut plantarum feracem, animalibus habitabilem credat orbem, cuius facies eadem quindecies continuis viginti quatuor horis igni ardentiissimo subjecta, nulla aura refrigerante recreatur, nulla pluvia humectante reficitur? haud immerito quererere liceat cum VRIESIO de Lunic. p. 258. Vid. etjam GALILÆUS de syst. Mund. Dial. I. pag 91. GUERIKIUS de Syst. Mund. lib. V. Cap. 25. & KIRCHERUS in Itin. Extat. pag. 95.

4:o Regiones terrenas, ad Aequatorem in Zona torrida sitas, ob aëris siccitatem, quam Sol per verticalem suam revolutionem producit, difficulter admodum habitari novimus; quid autem dicamus de Luna, quæ quindecim dierum diem perpetuum inter estuantissimos scopulosæ regionis calores sufferet? KIRCHERI Itin. Extat. I. Dial. I. Cap. 2. pag. 126.

5:o Homines hac in terra quotidie multas magnasque mutationes caussantur, e.g. urbes ædificant ac destruunt, magnas silvas detruncant ac comburunt; quæ sane omnia, dummodo in Luna fierent, oculorum sensu exposita fore non dubitamus. Hujusmodi autem mutationes in Lunæ facie neminem adhuc observasse constat.

Ex hisce omnibus patet, nec homines, nec animalia, nec plantas, ejusdem cum terrestribus indolis & rationis, in Luna produci unquam potuisse; sed, si qua ibi sint, tantum a terricolis, qua suam natu-
ram suaque qualitates, discrepare, ut de illis
nullum mente nostra fovere possi-
mus conceptum.

T A N T U M.

Psalm. 148. v. 1, 3.

לְלוֹה הַלְלוֹ אָתֶה יְהוָה מִן הַשְׁמִים
הַלְלוּהוּ בְּטוּרֻם: הַלְלוּהוּ שְׁמֵשׁ
יְרֵחַ הַלְלוּהוּ כָּל כּוֹבֵד אֹור:



Fågne-Rim

Til

Herr RESPONDENTEN.

DEt wet jag wist, at I, min wän,
Til-månan aldrig warit än,
Ej eller ärnat fara,
Likwäl I wackert wisen här,
At folk och diur ej finnas där;
Som mången wil förswara.

Jag önskar, snart-få se Er lön,
Som blir en krants af Lager skiön,
Den Phœbus Er skall gifwa
För mōdo, flit och natte-wak,
Som i wändt an på denna sak.
Er åhra det skal blifwa.

M. E. W.

MONSIEUR,

Notre amitié inutuelle m'engage à me rejouir de l'heureux succès de Vos entreprises, & je me crois même obligé de Vous donner cette marque de mon estime, & de l'intérêt, que je prenus dans tout ce, qui Vous regarde. Vous allez maintenant soutenir Vos theses *de la Lune inhabitable*, & je suis assez persuadé de ce, que Vous attaquerez les habitations chimériques de la Lune, de sorte, que Vous gagnerez bientôt l'estime toute particulière des savans de la terre. Poursuivez, mon chere ami, n'Vous lassez point de combattre; Vous êtes en bon train, & je suis assuré que Vous ferez bientôt de progrès considerables dans les sciences. Le bon Dieu fasse prosperer tous Vos desseins & benisse votre travail. Ces sont les vœux, que fait plus de cœur que de bouche.

MONSIEUR,

Votre très obéissant serviteur,
ERIQUES LUNDIN.

Sm månen just som jorden är,
Att menstior där så väl som här
På höga härgen gifwa:
Ja om han är en sådan kropp/
Som folke och diur kan föda upp
Och dem sin härgning gifwa:
En viktig fråga varit har
Från fordom tid och än är gvar
Bland dessa tider lärde,
Wäl finnas de / som jakta må/
Men I, min Bro / vil mot dem stå
Med stål af större wärde.
Med clara rön och alt förnuft/
I gjör vår måne utan lust/
Förutan sio och skogar.
Hur vil en idog bonde se'n/
Sig nära på et flot af sten
Med lior eller plogar?
Et sakerl vistne detta här:
Om midden Er / min Broder får/
Om flit / som I lagdt nedet
Mid SAGA / födste orten vår/
Där wishet bor / men är dock svår/
At wärswa sig med heder.
Hvad fägnad / som mit sinne rör/
Utaf Er vålgång / som sig bör
Ej kan med orden nämna.
Tag önskar / at den krahz / som plär
Beldna, lärdom och besvär/
En gång må Eder lämna.

JACOB ENGMAN.

